



Sorusussuseerunneq puigortunngornerlu

Sorusussuseerunneq puigortunngornerlu

Sorusussuseerunneq tassaavoq soqutigisaqaranilu misigissuseqannginneq. Inuk sorususeqqanngitsoq soqutigisaqanngitsutut sorusussuseqanngitsutullu pissuseqarpoq. Sorusussuseerunneq siunnerfeqannginnermut kajumissuseqannginnermullu attuumassuteqarpoq. Inuk taamaattoq sulerinissamut kajumissuseqaranilu, perusussuseqaranilu qamuuna piumassuseqanngilaq.

Avatangiisinit sunnertinneq, nalaatsornikkullu periarnissamut kaamitsinerit taakkuunerupput inuttaata iliuuseqarnissaanut aqutsisuusut. Sorusussuseeruttut nal. akunnerpassui issiasinnaasarpur sulerinatik avaangusunnatillu. Ilaanni nerinissartik imernissartillu puigorsinnaasarpaat.

Sorusussuseerunneq puigortunngornermiinnaanngitsoq - aammali qaratsakkut ajoqusernerup kingorna tarnikkullu nappaateqarnermi atuuppoq. Sorusussuseerunnermut ersiutaasartut tassaapput:

- Kajumissuseqannginneq soqutigisaqannginnerlu
- Sorusunnginneq
- Ataatsimoorneri peqataasarunnaarneq
- Misigissutsikkut sanngiillineq
- Iliuuseqarnissamut takorluuisinnaanermullu piginnaanikillineq
- Inuttut eqqiluisaarnissamik qanorlu pissusilersornermik soqutigisaarunneq
- Pissusilersornermik ilisimaarinnerup annikinnera

Sorusussuseerunneq nikallunganermut assingusinnaavoq- ilaatigut misigisuseqannginneq allaassutigalugu. Sorusussuseeruttuq 'imaqanngitsutut' 'soqutigisaqanngitsutullu' misigisarpaq, nikallungasorli taaqqumallunilu ernumasarluni.

Sorusussuseerunnermut patsisaasut

Sorusussuseerunneq puigortunngornermi nalinginnaasorujussuuvuq nappaatillu ineriartornerani immikkoortuni tamani atugaasinnaalluni. Puigortunngornermik Alzheimerimik nappaateqartuni qaratsap immikkoortuani qaaq tulluulla nalaanniittumi puigortunngortuni sorusussuseerunneq pissusilersornermik allannguutini nalinginnanarpaagunarpaq. Puigortunngornermik Alzheimerimik nappaateqartut 60 %-iisa missaat sorusussuseerunnermut ersiuteqarput.

Sorusussuseeruttut namminneq qaqutigunnaq ajornartorsititut misigisarpaq. Sorusussuseerunnerli qanigisaasuni unammilligassaagajuppoq akueriuminassinnaallunilu.

Sorusussuseerunneq, qaratsap immikkoortuini kajumissutsimik misigissutsinillu aqutsisuni nappaateqarnermik patsiseqarpoq. Taamaamat inuttaata nammineq allangortissinnaanagulu aqussinnaanngilaa. Sulerinissamik isumassarsineq imal. pisariaqartitsisutut misigineq inunni sorusussuseeruttuni pilersanngilaq. "Imaqanngitsutut" misigisarpaq.





Sorusussuseerunneq puigortunngornerlu

Nakorsaaneq

Sorusussuseerunnermut immikkut ittumik nakorsaateqanngilaq, puigortunngornermulli nakorsaatit sorusussuseerunnermut ilaatigut sunniuteqarsinnaasarput.

Sorusussuseeruttut avataaniit sunnerneqarsinnaasarmata, qiimmassaaniarsarineq/siarsaaniarsarineq iluaqutaasinnaavoq. Inuttaa oqaloqatigiinnerni imal. ataatsimoornerni peqataatinniarneqarsinnaavoq, sunngiffimmi sammisassanik siornatigut nuannarisarsimasaanik neqeroorfigineqarsinnaavoq, pisuttuaqatigineqarsinnaavoq imal. erinarsoqatigineqarsinnaavoq qiteqatigineqarsinnaalluniluunniit.

Siunnerfeqarnerusumik siarsaaneq tassaavoq inuunermi misilittakkat pillugit oqaloqatigiinneq, eqqaamasanik avitseqatigiinneq qangalu pisimasunik eqqartuineq. Taamaaliornikkut anguniarneqarpoq inuup inuunerata oqaluttuassartaata oqaluuserinissaa, imal. sammisaqartitsinikkut soorlu inuttaata inuusunneraniit inersimasunngorneraniillu nipilersuutinik tusarnaarnikkut imal. qitinnikkut, eqqaamasat itertinnissaat. Oqaloqatigiinnerit, sammisallu inuttaata soqutigisarimasai misigisarsimasaalu pillugit ilisimasat tunngavigalugit, aaqqissunneqassapput.

Inuunermi misilittakkat pillugit oqaloqatigiinneq, eqqaamasanik avitseqatigiinneq qangalu pisimasunik eqqartuineq; ass. naasut nerisassalluunniit tikkinut tunngassuteqarsinnaavortaaq. Tuttup/aqissit/appat siatat kaageeqqalluunniit tikkisa amerlasuunit juullimi eqqaamasanik utersaartitsisarnerat eqqarsaatigiuk.

Pisattat assilluunniit inuttaata nammineq inuunerisimasaaneersut, filmiliaritittartut-, kunngikkormiut imal. nuimasut assingi eqqaamasanik uummarsaasinnaapput.

